

**BOSNA I HERCEGOVINA
FEDERACIJA
BOSNE I HERCEGOVINE**

**URED ZA REVIZIJU BUDŽETA / PRORAČUNA
U FEDERACIJI BiH
S A R A J E V O**

**IZVJEŠTAJ O REVIZIJI FINANSIJSKIH IZVJEŠTAJA
UREDA PODPREDSJEDNIKA FEDERACIJE BiH**

1. Mi smo obavili reviziju finansijskih izvještaja u cjelini Ureda Podpredsjednika Federacije BiH sa stanjem na dan 31.12.2000.god. bez revizije početnih salda. Revizija je provedena u periodu od 17.05. – 25.06.2001. god. sa prekidima u radu.

2. Za ove finasijske izvještaje odgovoran je menadžment Ureda kao i za zakonitosti u poslovanju, istinitost i poštenost upravnih odluka donesenih unutar ovog ureda o utrošku budžetskih sredstava, sistema internih kontrola, a time i za efikasno poslovanje kao i tačnost i cjelovitost računovodstvenih evidencija.

3. Naša odgovornost je izraženo mišljenje o ovim finansijskim izvještajima na osnovu provedene revizije.

Revizija je urađena u skladu sa Međunarodnim revizijskim standardima organizacije vrhovnih revizijskih institucija – INTOSAI. Ovi standardi zahtijevaju da mi planiramo i izvršimo reviziju na takav način da se uvjerimo kako u finansijskim izvještajima nema značajnog pogrešnog prikazivanja činjenica. Revizija uključuje ispitivanja na osnovu testova, dokaza, koji potkrepljuju iznose i obrazloženja za dato mišljenje. Revizija uključuje ocjenu cjelokupnog predstavljanja finansijskih izvještaja, procjenu usklađenosti s primjenjivim zakonima i ocjenu funkcionisanja interne kontrole. Mi vjerujemo da naša revizija obezbjeđuje razumnu osnovu za izraženo mišljenje.

4. Po našem mišljenju finansijski izvještaji sastavljeni su pravilno u skladu sa Računovodstvenim standardima BiH i objektivno prikazuju finansijski položaj Ureda Podpredsjednika Federacije BiH na dan 31.12.2000. god., te rezultate poslovanja za tu godinu.

Bez određivanja uslovnog mišljenja mi skrećemo pažnju na dato obrazloženje u finansijskom izvještaju vezano za ostvareni prihod od drugog budžetskog korisnika, a za račune rashoda, način potrošenih sredstava, dokumentacionu osnovu, sa zaključkom i preporukama..

Zamjenik generalnog revizora:

Generalni revizor:

Branko Kolobarić, dipl.oec.

Mr.sc. Ibrahim Okanović, dipl.oec

**BOSNA I HERCEGOVINA – FEDERACIJA BOSNE I HERCEGOVINE
URED ZA REVIZIJU BUDŽETA – PRORAČUNA U FEDERACIJI BiH
S A R A J E V O**

**IZVJEŠTAJ O IZVRŠENOJ REVIZIJI PRAVILNOSTI
FINANSIJSKOG POSLOVANJA U 2000-toj GODINI
UREDA PODPREDSJEDNIKA FEDERACIJE BiH**

Sarajevo, jul 2001. godine

ZAKONSKA REGULATIVA

U postupku revizije korišteni su sljedeći:

- Ustav Federacije Bosne i Hercegovine
(Sl. novine F BiH br. 1/94)
- Budžet Federacije Bosne i Hercegovine za 2000. godinu
(Sl. novine F BiH br. 13/00 i 32/00)
- Zakon o Proračunima-Budžetima F BiH
(Sl. novine F BiH br. 20/98)
- Uredba o računovodstvu Proračuna-Budžeta F BiH
(Sl. novine Federacije BiH br. 47/98)
- Pravilnik o knjigovodstvu Budžeta-Proračuna u F BiH
(Sl. novine F BiH 6/99)
- Računovodstveni standardi F BiH
(Službene novine F BiH br. 50/98 i 52/99)
- Zakon o reviziji budžeta u F BiH
(Službene novine F BiH br. 48/99)

O P Ć I D I O

Funkcija Potpredsjednika Federacije BiH ustanovljena je Ustavom Federacije BiH 21. juna 1994. godine kao izvršna vlast Federacije BiH sa nadležnostima:

- Zamjenjivanja Predsjednika Federacije u uvjetima navedenim u Ustavu F BiH,
- Sarđuje sa Predsjednikom Federacije u onim situacijama u kojima je potrebno da Predsjednik zatraži njegovu suglasnost,
- Izvršavanje onih dužnosti povjerenih od Predsjednika ili Parlamenta Federacije.

Tokom revizije nije nam dat na uvid akt o unutrašnjoj organizaciji iz kog bi mogli bliže odrediti finansijsku odgovornost u ovom Uredu ali nam je osoblje s kojim smo bili u kontaktu objasnilo sistem rada što se tiče finansija i računovodstva a on je da su sve inicijative dolazile od šefa kabineta koji je ujedno i nadležan za trošenje budžetskih sredstava.

REVIZIJA FINANSIJSKIH IZVJEŠTAJA

Ured za reviziju budžeta – proračuna Federacije Bosne i Hercegovine prvi put provodi reviziju pravilnosti finansijskog poslovanja u Uredu Podpredsjednika Federacije BiH.

Reviziju pravilnosti finansijskih izvještaja za godinu koja završava sa 31.12.2000.god. u cjelini bez početnih salda proveli su ovlašteni radnici Ureda za reviziju F BiH i to:

- ovlašteni revizor: Ismeta Junuzović, dipl.oec,
- pomoćni revizor: Esma Muslić, dipl.oec.

Revizija je obavljena na osnovu Zakona o reviziji Budžeta-Proračuna u Federaciji BiH (Sl. novine br. 48/99), a u skladu sa revizijskim standardima Međunarodne organizacije vrhovnih revizijskih instrukcija INTOSAI (Sl. novine F BiH br. 6/01)

CILJ REVIZIJE

Cilj revizije je da se ispituju računi i finansijski izvještaji Ureda Podpredsjednika Federacije BiH kako bi se steklo razumno uvjerenje da su isti u svim značajnim iznosima realno i objektivno predstavljeni, cjeloviti i valjani, da su sve radnje oko utroška sredstava pravilno poduzete, dovršene, odobrene, plaćene i registrovane.

Postupak revizije otežno je proveden zbog okolnosti uske povezanosti ovog Ureda i Ureda Predsjednika Federacije i zakonskom postavkom zamjene njihovih funkcija u predviđenim intervalima što u finansijskim dokumentima nije, a i ne može biti jasno razdvojeno, pa se prepliću stvorene obaveze jednog Ureda i njihovo plaćanje sa drugog Ureda, a Budžetom Federacije BiH predviđeni su kao dva korisnika, pa mislimo da bi bilo racionalnije da se objedine u finansijskom smislu ova dva Ureda, a internom evidencijom usmjere prihodi i rashodi. Tokom revizije nismo imali mogućnost pojašnjenja mnogih pitanja vezanih za finansijsku dokumentaciju i pojašnjenja za pojedine transakcije, načina na koji su urađene jer je došlo do izbora novih kadrova koji o revidiranom periodu nisu mogli govoriti iz prostog razloga što tu tada nisu radili, a osoblje koje je bilo s nama u kontaktu, je osoblje koje uslužno vodi knjigovodstvene evidencije ovog Ureda i smatra se nenadležnim za tražene informacije.

ZAKLJUČAK

Provedenom revizijom obuhvatili smo prezentiranje finansijskih izvještaja, njihovu istinitost i objektivnost, dokumentacionu osnovu za određene transakcije, valjanost i potpunost iste **i nismo se uvjerali o postojanju i funkcionisanju sistema internih kontrola koje bi bile dovoljne da zaštite imovinu i sredstva od gubitaka.**

Uočili smo da mnogi dokumenti koji su osnov za isplatu ili plaćanje nose službene pečate i potpise naredbodavac i likvidatora čime se stvara privid kontrole utroška sredstava ali tokom revizije uvjerali smo se da ovim prividnim kontrolama nedostaje suština. Primjeri su brojni a ilustracije radi navodimo nepreciznost odluka koje su donešene unutar ovog Ureda a odnose se na utrošak sredstava (primjer uzimanja u zakup stanova) iz koje dokumentacije se ne može vidjeti za koga se unajmljuje stan. Nije bilo pregleda i upoređivanja uzete robe ili usluga sa visinom finansijskih obaveza, dokumentacija je neadekvatna, nepotpuna i ne osigurava namjenski utrošak sredstava.

Potrebno je da sistem unutrašnje kontrole značajno osnaži ali isto tako neophodno je da se stvori ambijent za funkcionisanje tih kontrola.

**KATEGORIJE IZDATAKA U 2000 GODINI
UREDA POTPREDSJEDNIKA FEDERACIJE BiH**

KATEGORIJA		IZNOS	KOMENTAR	%
1.	Plate uposlenih	197.080,00	Neto plate, porez na platu, doprinosi (iz i na platu) za 11 mjeseci 2000.god	32,3
2.	Nasknade troškova zaposlenih	48.347,00	Prevoz, naknada za odvoj. život, topli obrok, pomoći	7,9
3.	Putni troškovi	42.704,00	Dnevnice u zemlji i inostr. smještaj i prevoz	7,0
4.	Izdaci za energiju	8.557,00	Električna energija i centralno grijanje	1,4
5.	Izdaci za usluge	33.886,00	PTT troškovi i komunalne usluge	5,6
6.	Nabavka materijala	6.135,00	Administrativni mater.	1,0
7.	Izdaci za usluge i benzin	52.702,00	Usluge prevoza, benzin i registracija auta	8,7
8.	Iznajmljivanje prostora i stanova	47.184,00	Posl. prostor i stanovi	7,7
9.	Izdaci za tekuće održavanje	32.225,00	Opravka opreme, vozila i zgrade	5,3
10.	Reprezentacija	43.202,00		7,1
11.	Informisanje	19.709,00		3,2
12.	Ugovori o djelu	49.718,00		8,2
13.	Ostalo	28.118,00	Stručno usavršavanje, platni promet, računovodstvene usluge, prenos po odlukama	4,6
U K U P N O		609.567,00		100%

PREPORUKE ZA INTERNU KONTROLU

Kontrolom potrošenih sredstava iskazanih kao troškovi ovog Ureda primjetili smo mnoge nepravilnosti vezane za dokumentacionu osnovu finansijskih transakcija a koje bi vjerovatno bile izbjegnute da se vršila suštinska kontrola.

Značajno ojačati kontrolu isplata kroz blagajnu kako bi se spriječilo neprimjereno trošenje sredstava

Primjetili smo izvjesne troškove koji su učinjeni kroz blagajnu tokom 2000-te godine na osnovu dokumentacije koja ne zadovoljava opravdanost takvih isplata. To se odnosi na:

- **pravdanje troškova goriva za što je potrošeno 49.758,00 KM.**

Gotovo ni uz jednu uzorkom provjerenu isplatu nije nađen putni nalog za auto kojim se opravdava trošak goriva prema pređenim kilometrima i učinjenim relacijama. Računi goriva u pravilu nemaju na sebi registarski broj auta i pravdaju se u većem broju a isti su u mnogo slučajeva na iznose od 100,00 KM. Ne povezuje se odobreno putovanje, pređeni kolometri i utrošak goriva pa se ovi troškovi ne mogu potvrditi kao pravilni. Pronašli smo i plaćanje računa za gorivo za automobile koji nisu u valsništvu ovog Ureda. Pronašli smo i pravdanje računa za gorivo u vrijeme novogodišnjih praznika 29.12.1999 – 03.01.2000.god koji glasi na Češke krune.

- **pravdanje dnevnica za službena putovanja u zemlji i inostranstvu za što je potrošeno 25.704,00 KM**

Nalozi za službeno putovanje ni u jednom slučaju koji je pregledan nemaju izvještaja o putovanju iz kojeg bi se vidjela svrha putovanja. Nije nam dana na uvid dokumentacija o prisutnosti na poslu pa nismo mogli utvrditi vezu između izdatih naloga za službeni put i ove evidencije. Nije nam dana na uvid evidencije o izdatim putnim nalogima, a podignute akontacije za službena putovanja ne pravdaju se na vrijeme.

- **pravdanje ostalih troškova kroz blagajnu**

Pronašli smo isplatu troškova na bazi računa koji su neodgovarajući za te troškove a to su isplate za kurs engleskog jezika, isplata za stručnu literaturu, isplata za pranje auta i kupovina patika «al star». Gotovinske isplate za troškove reprezentacije urađene su na bazi računa na kojima stoji «konzumacija jela i pića» bez potpisa da ja konzumacije i bilo pa čak na nekima nema ni naznake da se radi o ovom Uredu. Svi troškovi isplaćeni su na bazi ovakvih neodgovarajućih dokumenata i ne mogu se potvrditi kao opravdani.

Zančajno ojačati kontrolu isplata iz budžetskih sredstava i osigurati da se svi troškovi i transferi sa kompletnom dokumentacijom koja sadrži dovoljno detalja o transakciji.

Tokom 2000-te godine ovom Uredu je stavljeno na raspolaganje iz sredstava javnih prihoda 647.618,00 KM za obavljanje svoje funkcije. Utrošak ovih sredstava zahtijeva poštivanje planiranih troškova uz jasno ispostavljanje dokumentacije sa dovoljno detalja o transakciji što nije bio slučaj u mnogim transakcijama. Takav primjer su:

- **isplaćena sredstva za zakupninu poslovnog prostora i stanova za što je potrošeno 47.184,00 KM**

Plaćena je zakupnina za poslovni prostor u Mostaru na osnovu ugovora sastavljenog sa fizičkim licem u mjesečnom iznosu od 1.600,00 DEM iz kog ugovora nije vidljivo za

koje namjene je korišten ovaj poslovni prostor a nije nam data na uvid druga dokumentacija.

Ugovor je sklopljen ispred Ureda Predsjednika F BiH a plaća se iz Ureda Podpredsjednika F BiH. Isti ugovor nije ovjeren od strane nadležne Porezne Uprave čime je vjerovatno izbjegnuta obaveza poreza na imovinu fizičkog lica. Isplata zakupnine vršena je preko Hrvatske poštanske banke Mostar na tekući račun.

Isplaćivana je zakupnina za četiri stana u Sarajevu u mjesečnom iznosu od 3.500,00 KM čiji raspon je od 500,00 – 1500,00 KM u gotovini a na osnovu ugovora o zakupu sa fizičkim licima iz kog ugovora se ne zna za koga se uzima stan u zakup jer je u svakom zakupoprimac Ured Podpredsjednika F BiH. Nismo mogli doći do dokumentacije iz koje bi vidjeli ko su korisnici ovih stanova.

- **isplaćena naknada za odvojeni život u iznosu od 31.140,00 KM**

Naknada za odvojeni život isplaćivana je za osam uposlenih od ukupno uposlenih (10 ili 11) u iznosu od 400,00 KM među kojima smo pronašli i zaposlenog u Uredu Podpredsjednika koji prima naknadu za odvojeni život a istovremeno izdaje svoj stan u ulici Avde Smajlovića br. 3, Sarajevo Federalnom ministarstvu socijalne politike i raseljenih osoba uz mjesečnu naknadu od 750,00 DEM. Zakupnina mu je isplaćivana preko PBS – DD Sarajevo.

- **Potrošeno je 18.953,00 KM za opravku vozila**

Primijetili smo plaćanje za opravku vozila čiji registarski brojevi ukazuju da nisu u vlasništvu ovog Ureda, a nije nam dana na uvid druga valjana dokumentacija za ove isplate. Plaćanje je urađeno po četiri računa i svi se odnose na različite registarske brojeve.

- **Prenešeno je 12.000,00 KM Uredu Podpredsjednika F BiH sa sjedištem u Mostaru** za koja sredstva nema nikakve druge dokumentacije osim Odluke o prenosu pa se nezna za što su ista utrošena.

- **Plaćeno je 4000,00 KM Habeni Mostar po računima** u kojima stoji za korištenje informacija. Nije nam data na uvid druga dokumentacija iz koje bi mogli zaključiti da li su i koje informacije korištene.

- **Potrošeno je za troškove PTT-a 31.155,00 KM.** Primjećeno je da su najvećim dijelom troškovi nastali na osnovu obavljenih razgovora sa inostranstvom u čemu prednjači Republika Hrvatska. Nismo našli nikakve kontrolne aktivnosti za ovu vrstu troškova.

- **Potrošeno je za reprezentaciju 43.202,00 KM**

Najveći iznos reprezentacije plaćen je Službi za Zajedničke poslove organa i tijela F BiH po ispostavljenim računima koji su formalno uredni, ali se nismo mogli uvjeriti u

suštinsku kontrolu koja bi potvrdila da su ove usluge u navedenom obimu i izvršene jer ni na jednom računu nismo našli da je vršena provjera i usaglašavanje sa količinama.

RAČUNOVODSTVENO KNJIGOVODSTVENI POSLOVI

Knjigovodstveni poslovi a i dio računovodstvenih poslova za ovaj Ured uslužno su vodile osobe na osnovu ugovora o djelu u **kojem nema tako jasnih razgraničenja da se zna šta ko radi i za što odgovara što smatramo da nije u redu i očekujemo da se tačno razgraniče obaveze i odgovornosti ugovornih strana.**

Anakizirajući knjigovodstvene evidencije naišli smo na nepravilnosti koje se trebaju popraviti ali njihov značaj nije takav da mogu značajno utjecati na finansijske izvještaje. Sve transakcije su obuhvaćene u evidencijama a ove koje navodimo trebaju se pravilno klasificirati i/ili usuglasiti stvarnim stanjem.

1. Tokom 2000-te godine izvršena je kupovina automobila AUDI A8 4,2 QUATRO – 4D264B po rn. br. 200518/00 od 31.12. od Auto kuće Jelić iz Širokog Brijega. Navedeni automobil plaćen je u iznosu 50.000,00 KM a račun glasi na 55.000,00 KM što je knjigovodstvo evidentiralo kao stalno sredstvo u pripremi. Koncem godine u popisnim listama ovog automobila nema pa tako i nije usaglašeno stvarno i knjigovodstveno stanje. Nismo uspjeli dobiti valjanu informaciju gdje se nalazi i kod koga je ovaj automobil pa smo pismeno potražili pojašnjenje šefa kabineta ovog Ureda od kog smo obavješteni da su poduzeli procedure kojim će provjeriti gdje je automobil o čemu će izvijestiti Ured za reviziju budžeta F BiH. Mi smo zadovoljni ovim odgovorom i očekujemo da će mo doista dobiti podatke za razjašnjenje ove materijalne vrijednosti, koja se nalazi u knjigovodstvenim evidencijama.
2. Pronašli smo isplatu za klima uređaje u iznosu od 3.435,00 KM po rn. 29508 od 17.06.2000. god. koje je knjigovodstvo knjižilo na troškove što smatramo pogrešnim jer se radi o robi koja ima tretman stalnih sredstava.
Očekujemo da se shodno propisanoj regulativi postupa kod kupovine ovakve opreme da se pravilno evidentira i uvede u imovinu a ne troškove.
3. Knjigovodstvu se posebno podvlači da primjenjuje pravila o klasifikaciji finansijskih transakcija shodno Pravilniku o knjigovodstvu proračuna – budžeta u F BiH i Uredbe o računovodstvu proračuna – budžeta u F BiH što u potpunosti nije poštovano u tretiranom periodu.
4. Knjigovodstvo nije provelo memoramdumsku evidenciju kupljenih stalnih sredstava što je propisana obaveza **pa očekujemo da to uradi i usaglasi sve promjene na stalnim sredstvima sa njihovim izvorima**

Ured je objavio set finansijskih izvještaja koji su propisani, osim zabilješki uz finansijske izvještaje koje imaju za cilj pojašnjenje iskazanih iznosa što pomaže boljem razumijevanju tih izvještaja te očekujemo da se propisane obaveze poštuju.

Set finansijskih izvještaja koje je objavio ovaj Ured su u prilogu ovog izvještaja.

**GODIŠNJI ISKAZ O IZVRŠENJU
BUDŽETA ZA 2000 GODINU**

P o z i c i j e	Planirano Za 2000 g.	Ostvareno u 2000 g.	Odstupanje 3 - 2	Indeks 3/2
1	2	3	4	5
Prihodi iz budžeta	514.561,00	597.618,00	83.057,00	116
Doznake iz proračuna Hercegbosanske županije - Livno	-	50.000,00	50.000,00	-
UKUPNI PRIHODI UREDA	514.561,00	647.618,00	133.057,00	125,8
<u>U Čemu:</u>				
Bruto plaće i naknade	170.889,00	176.078,00	5.189,00	103
Naknade troškova uposlenih	59.551,00	48.347,00	11.204,00	81
Doprinosi poslodavca	20.261,00	21.002,00	741,00	103
Putni troškovi	44.642,00	42.704,00	1.938,00	95,6
Izdaci za energiju	5.952,00	8.557,00	2.605,00	143,7
Izdaci za komunalne usluge	22.321,00	33.886,00	11.565,00	151,8
Nabava materijala	11.160,00	6.135,00	5.025,00	54,9
Izdaci za usluge prevoza	35.949,00	52.702,00	16.753,00	144,6
Izdaci za tekuće održavanje	23.065,00	32.225,00	9.160,00	139,7
Unajmljivanje imovine i opreme	-	47.184,00	47.184,00	-
Izdaci za osiguranje bankarskih usluga i usluga platnog prometa	1.488,00	3.005,00	1.517,00	201,9
Ugovorene obaveze	89.283,00	137.742,00	48.459,00	154,3
Nabava opreme	30.000,00	50.000,00	20.000,00	166,6
UKUPNI TROŠKOVI	514.561,00	659.567,00	145.006,00	128,2

Budžetom Federacije BiH za funkcionisanje ovog Ureda predviđeno i usvojeno je 514.561,00 KM a Ured je potrošio 659.567,00 KM, dakle više 145.006,00 KM ili 28,2% u odnosu na predviđena sredstva.

Da se moglo više potrošiti nego što je planirano omogućeno je:

1. Većom doznakom iz budžeta u iznosu od	83.057,00 KM
2. Nepredviđenom doznakom iz budžeta Županije Hercegbosanske – Livno u iznosu od	50.000,00 KM
3. Prenosom zatečenih sredstava na žiro računu kod zamjene funkcija Predsjednika i Podpredsjednika Federacije BiH (na račun onoga ko kuda ide)	18.322,00 KM

Posmatrano po namjenama više je potrošeno za:

- Ugovorene obaveze	48.459,00 KM
- Unajmljivanje imovine i opreme	47.184,00 KM
- Nabavka opreme – automobila	20.000,00 KM
- Usluge prevoza	16.753,00 KM
- Komunalne usluge i PTT troškovi	11.565,00 KM
- Tekuće održavanje	9.160,00 KM
- Za plate	5.189,00 KM

Manje od predviđenih sredstava potrošeno je za:

- Naknade troškova uposlenih	11.204,00 KM
- Putnih troškova	1.938,00 KM
- Nabavku materijala	5.025,00 KM

Srvarni izdaci svakog budžetslog korisnika moraju biti u skladu s budžetskim iznosima planiranim za vremensko razdoblje, a sredstva raspoređena budžetom ne mogu se preraspoređivati između korisnika osim kada je to izričito dopušteno zakonom što ovdje nije slučaj pa je jasno da su prekršene odredbe Zakona o proračunima – budžetima u F BiH o izvršenju budžeta.

Ovlašteni revizor:

Ismeta Junuzović, dipl.oec.

Pomoćnik revizora:

Esma Muslić, dipl.oec

PRILOG REVIZORSKOM IZVJEŠTAJU

**FINANSIJSKI IZVJEŠTAJI UREDA PODPREDSJEDNIKA FEDERACIJE
BOSNE I HERCEGOVINE ZA 2000. GOD.**

**SVE IZNESENE PRIMJEDBE ODNOSE SE NA
OVAKO IZNESENE FINANSIJSKE IZVJEŠTAJE**

BILANS STANJA

Za godinu koja završava 31.12.2000. godine
i 31.12.1999.god.

POZICIJA	2000. GOD.	1999.GOD.
I A K T I V A		
A. Gotovina, kratk. razgr.kratk. tražb. i zaliha	6.372,00	79.910,00
Novčana sredstva i plem. metali	6.372,00	79.910,00
Kratk.tražbine-akontacije	-	-
Zalihe sitnog inventara	-	-
B. Stalna sredstva	56.985,00	8.036,00
Trajna sredstva	59.979,00	11.030,00
Ispravka vrijednosti	2.994,00	2.994,00
Neotp. Vrijed. Trajnih sredstava	56.985,00	8.036,00
UKUPNA AKTIVA	63.357,00	87.946,00
II P A S I V A		
C. Izvori sredstava	63.357,00	87.946,00
Izvori sredstava	6.985,00	8.036,00
Neraspoređeni višak prihoda nad rashodima	56.372,00	79.910,00
UKUPNA PASIVA	63.357,00	87.946,00

RAČUN PRIHODA I RASHODA
za godinu koja završava 31.12.2000. i 31.12.1999.god

ELEMENTI	Tokom 2000-te	Tokom 1999-te
RASHODI	609.567,00	575.507,00
- Plaće i naknade troškova zaposlenih	224.425,00	135.300,00
- Doprinosi poslodavca	21.002,00	14.290,00
- Putni troškovi	42.704,00	145.490,00
- Izdaci za energiju	8.557,00	7.068,00
- Izdaci za komunalne usluge	33.886,00	69.039,00
- Nabavka materijal	6.135,00	18.824,00
- Izdaci za usluge prevoza i goriva	52.702,00	13.245,00
- Unajmljivanje imovine i opreme	47.184,00	-
- Izdaci za tekuće održavanje	32.225,00	28.312,00
- Izdaci osiguranja i bankarskih usluga	3.005,00	2.774,00
- Ugovorene usluge	137.742,00	141.194,00
PRIHODI	647.618,00	636.215,00
- Nepovezani prihodi	18,00	704,00
- Prihodi od ostalih nivoa vlasti	50.000,00	-
- Prihod iz budžeta	597.600,00	635.511,00
VIŠAK PRIHODA NAD RASHODIMA	38.051,00	60.708,00

ISKAZ O NOVČANIM TOKOVIMA
 Za razdoblje od 01.01. – 31.12.2000. i 01.01. – 31.12.1999. god.

P O Z I C I J E	2000. god	1999. god.
NOVČANI PRIMICI	665.940,00	636.215,00
Neporezni prihodi	18,00	704,00
- Prihodi iz proračuna za tekući izdatak	567.600,00	635.511,00
- Prihodi iz proračuna za kapitalna ulaganja	30.000,00	
- Prijenos sredstava sa rn. Predsjednika F BiH na rn. Podpredsjednika F BiH	18.322,00	
- Doznaka od Hercegobosanske Županije - Livno	50.000,00	
NOVČANE ISPLATE	739.777,00	578.849,00
- Plaće i naknade troškova zaposlenih	288.131,00	149.590,00
- Izdaci za materijal i usluge	321.436,00	425.917,00
- Ulaganje u stalna sredstva	50.000,00	3.342,00
- Prijenos sredstava sa rn. Podpredsjednika na rn. Predsjednika	79.910,00	
Neto novčani primici	73.537,00	57.366,00
Gotovina na početku godine	79.910,00	22.544,00
Gotovina na kraju godine	6.373,00	79.910,00